

金光明經文句卷第六

盟六

隋天台智者大師說  
門人灌頂錄

釋正論品

正論者正名爲聖聖有二種一世聖二出世

聖論名覈實一覈事實二覈理實此品是先  
王舊法世世相傳先王傳力尊相力尊相傳  
於信相信相又傳其子其子又傳於後世世  
正聖世世善實即是先王之法言亦是世  
界悉檀立名名正論品王行此法法律相應

陰陽以之調日月以之順百穀以之豐萬民  
以之樂社稷以之安治化以之<sup>盟六</sup>即是民用  
和睦上下無怨亦是爲人悉檀立名名正論  
品王用此法外敵不敢謀內姦不敢驚妖星  
不敢現惡虹不敢行暴風不敢動疾雨不敢  
零是則禍亂不作災害不生亦是對治悉檀  
立名名正論品此之世善本金光明從金光  
明出此正論善用此正論天宮天身以之光  
明天力天威以之增長天心爲之倍樂天之  
法味爲之倍更深遠即是先王之至德要道

亦是第一義悉檀立名名正論品也此文是流通中第二意明人王弘經感通冥聖天王佐助善政興隆文爲二一長行說事本二偈頌說正論長行中對告地神說昔尊相如文偈有八十二行文爲四初二行半集衆次三行半發問次一行結問開答後七十五行梵天答即說正論也集衆文爲三初一行是佛敍尊相欲爲天子說先三本法次一行佛敍尊相誠聽次半行明說論處所次四王發四問一問云何呼人爲天二問非天所生而名

天子三問處王宮殿何故名天四問以人法治世那得名天次一行成前起後可見云問既有四答亦爲四一答天護其入胎雖是人子而稱天子三十三天各分己德雖是於人而稱爲天雖處人宮殿用天律治世雖是人主而稱爲天雖是人法治世令衆生行善多生天上以因中說果故稱爲天從汝今雖以下盟大是梵答文爲二初十行半略答後六十四行半廣答略有四初一行半許答次因集業故一行略舉昔因今果答其問王義次五

行舉三義答其問天義次三行舉三義重答  
問王義答天舉三義者未入胎入胎分德力  
加是也以護胎故稱爲天子答第二問也以  
分德故有其天德故稱爲天答第一問也神  
力所加修善遮惡後必生天因中說果故稱  
爲天答第三第四正法治世名爲天問也答  
半名爲天三義竟從半名人王已下答有三  
義故稱半爲王一名執樂者樂由於王王執  
此樂使天下和平五日一風十日一雨老者  
擊壤小騎竹馬誰不歸德故執樂者名王二

者遮惡爲民除害天不亢旱地不洪流草不  
折傷民無疾癘者誰不歸德故遮惡名王三  
父母者誨示禍福導語善惡制禮作樂而民  
知禁誰不歸德故父母名之爲王能爲民下  
作父母故諸天護之名爲天子以遮惡不起  
諸天分德名之爲天以執樂故因中說果復  
名爲天非但半名人王義成半名爲天三義  
問六三  
亦顯從若有惡事下三十九行三句廣明非法  
不得名天不得名王六義俱失三十三天  
各生瞋恨是天不護不護故非天子是諸天

王各相謂言是天不分德不分德故不得名天捨遠善法增長惡法則無天因寧得因中說果歎人爲天也生大愁苦者無執樂義疾疫流徧無遮惡義縱惡不顧善無父母義云從當正治罪下二十四行三句更廣說六義

當正治罪即父母義諸天護持即天子義以滅惡法即魁膾義魁膾名典軍遮制惡鬼鬼畏典軍不敢亂行也修習善法即執樂義應各爲說即示因果義諸天即分德義還以六義消文皆可尋云此中應明觀義自思之云

問金光明是正論本其意云何天者即法性金也法性作依止故言天護分德者即光也報身與法性冥即是分德也神力所加者即明也云又父母者即金也法性爲父母故遮惡即光也執樂即明也以此爲本故能正論爾如半名人王半名爲天爲世間正論半名出世間正論本末相關即此意也

釋善集品

此轉輪王集眾善法如海導師善海無涯六度則攝六度又廣二度略攝謂檀與智提如

意珠捨四大地滿中珍寶以用布施即集檀  
行也合掌而立請寶冥尊者宣揚顯說是金  
光明即集智行也檀智既然餘法亦爾從行  
得名故稱善集品也此六度不同是世界悉  
盡六  
檀集善也修於五度是爲人集善也修於智  
度是對治集善也皆波羅密是第一義集善  
也從此四集得名故言善集品此品是第二  
人王弘經上明世間正見感動天地此明出  
世正見感動賢聖云文爲二初對告地神二  
以偈說偈有六十四行坐分爲二初四行通

明因地行檀次六十行半別明善集施財施  
法別爲六一六行半明事本二十一行半明  
聖王請法三十九行半明尊者宣揚四十行  
半明輪王行施五二行結會古今六十行半  
引因果以證以勸悉如文就此品論金光明  
者善集波羅密金也集般若光也集五度明  
也就寶冥論者在一窟中金也面如滿月光  
也讀誦如是經明也就二人作者在窟中金  
也許爲王說光也王提如意珠雨四天下珍  
寶明也

釋鬼神品

鬼字訓歸又云畏也報多怖畏如阿修羅

云

又云威也能令他畏其威也神者能也大力者能移山填海小力者能隱顯變化此品通

五

列一切天龍江海日月諸神上已天題品竟

無容再出雖通列諸道而鬼神文多從多故以之題品此品是第三一切天龍鬼神天靈地祇咸皆發誓溥徧弘宣以勸流通文爲二長行二偈頌長行中先舉事別次圓供養事別者佛從慈悲中起受供養者蓋應佛也

佛從如中起覺智智與如合者報佛也一切法悉是諸佛行處者法佛也作如此解者三佛塵別若修事之供養供養亦別也圓供養者勸聽經聽經是法之供養諸供養中最爲第一第一供養者供養一切佛能說文字是應佛能詮是報佛所詮是法佛能敬文字即敬三佛亦是敬三世佛諸佛從此生故供養文字即供養一切諸佛

云

又別時重聞更記之長行舉四願欲而作一勸若欲知佛行處行處者即如如境法佛也欲知者知是如如

智報佛也能聽此經此經即文字文字即應佛也能聽者隨順佛教即法供養法供養即妙供養也聽經能生覺智覺智生故即是佛受供養也聽經一事具諸願欲祇圓一事具別諸事也偈有一百二行半分爲六一從若欲供養下十一行頌上長行祇能聽經即是舉圓妙以勸修二從隨所至處下三行半舉聽經即能禳災以勸修三從於說法處下六行舉聽經致靈瑞以勸修四從威德相貌下五行半舉祇聽經有威力以勸修五從大梵

天王下四十九行半舉聽經能致天龍鬼神以勸修六從於諸衆生下二十七行舉祇聽經能令國土安樂以勸修云<sup>云</sup>盤道者四天上遣神名彌栗頭虔伽陀漢言善品主盤毒也摩醯首羅餘經翻爲大自在灌頂經翻爲威靈帝摩尼跋陀翻爲威伏行富那跋陀翻爲集至成金毗羅翻爲威如王賓頭盧伽翻爲立不動車鉢羅婆翻爲忍得脫曇摩跋羅翻爲學帝王摩竭婆羅翻爲除曲心繡利審多翻爲有功勲勒那翅倅舍翻爲調和平劍摩舍

帝翻爲伏衆根奢羅蜜帝翻爲獨處快醯摩  
跋陀翻應舍主薩多琦梨翻大力天波利羅  
睂翻勇猛進毗摩質多翻爲高遠跋摩利子  
翻英雄德波訶梨子翻威武盛佐羅騫駄翻  
吼如雷鳩羅擅提翻戰無敵脫因者脫業障  
也脫果者脫報障也度諸有者脫煩惱障也  
釋授記品

有四種授記今是二種云授者與也記者記  
成道事也此中授三大士一萬諸天當來成  
佛事故言授記亦名授薦亦名授波授劫國

數量名爲勑審實不虛名爲波從佛所與名  
爲授從其所得名爲受此中從佛所與故言  
授記此是流通中第四意舉昔行經之因方  
成圓極之果證弘護不虛以勸流通也文爲  
二一與記二疑記與記爲二一與三大士記  
二與十千天記與三大士記又二一同緣者  
問六集二正與記世界轉名淨幢者應論四句此  
中是其一也十千記又二一聞經生解二正  
與記云從爾時道場下是第二疑記又二一  
疑問二佛答疑者夫移山填海非一日之功

菩提極果積行方就利暫下無久聽之勞  
不聞徃昔有難思之行行淺記深是故疑惑  
如餘菩薩者六度菩薩引錐指地無非捨身  
命處戒忍禪智滿三僧祇若通教菩薩從假  
入空非止一世修行從空入假動逾塵劫若  
別教菩薩直行一行動經無量阿僧祇劫況  
復徧行衆行量不可數尚不獲記少時聞經  
而得斯法時衆咸疑故樹神發問也佛答爲  
二一舉現行二舉遠緣現行者捨天宮樂故  
來聽經聞三大士菩薩提記我昔本誓與其

法食三事和合故與其記也此意證成鬼神  
品初以妙供養供養三世諸佛及欲得知諸  
佛行處決定至心聽此妙典雖有此旨未見  
其人今此十千即其人也聞記當果果必有  
因因金光明生殷重心起功德身心無垢累  
起般若身猶如虛空起於法身一心中聽三  
德圓成復有無量功德說不可盡此不得記  
記與誰乎證聽功德臺住於此以隨相修指  
今現行行隨實相而修也有妙善根指於遠  
緣也遠緣實相而種善根也從亦以過去下

是舉遠緣菴也文爲二一略二廣此中少文  
是略除病流水兩品是廣菴也

釋除病品

廣菴遠緣由醫王救疾故言除病品通取後  
流水品文爲五一緣本二遠緣三近緣四結  
緣五會緣從佛告樹神下明緣本如文從像  
法中下明遠緣遠緣爲六一明父二生子三  
國人遇病四其子請五父爲說六知己偏治  
子請爲三一見人退病二思惟三正問問爲  
四初偈問四大增損二問飲食犯觸三問

治病醫方四問病動時節身火不滅者食飽  
熱病慾自心食消熱煖更生故言身火不滅也  
水過肺病者水多則損肺即是痰病也父醫  
還菴四問初六行菴四大增損二一行半菴  
飲食犯觸三二行菴病動時節四八行半菴  
治病方就六行中分二初一行是佛教父醫  
欲菴爾次五行正菴時節時節有二一俗法  
四時謂春夏秋冬冬爲歲末春爲歲始而初  
言夏者或可趣作此言或可菴問正是於夏  
三三而說者一時三月謂孟仲季四時即十

二月也若依佛說法一歲三時謂冬春夏夏爲歲末冬爲歲始何故爾爲破諸弟子著常爲開安居迦提月故沒秋時爾佛法三時亦是三三說也若二二說足滿六時者依俗法四時時本二月土寄四季各十八日本之二月只是陰陽二月一時唯有陰陽二月合成六時正月二月是木王時四月五月是火王時七月八月是金王時十月十一月是水王時臘月三月是陽土寄王六月九月是陰土寄王欲論本月亦二二說若論土寄王亦二

四六

九

二說故言足滿六時也若依佛法解二二說者佛法有三時時有四月各有初分後分從臘月十六日至二月十五日此初分春時從二月十六日至四月十五日此二月春後分從四月十六至六月十五日此二月是夏時初分從六月十六至八月十五此是夏後分從八月十六至十月十五此二月是冬時初分從十月十六至臘月十五此二月是冬後分故言若二二說足滿六時也又云正月三月是陽月二月四月是陰月五月七月是陽

月六月八月是陰月九月十一月是陽月十月  
臘月是陰月故言若二二說足滿六時三  
三本攝依俗法者正月是春分本月攝後兩  
月悉屬春分四月爲夏本月攝後兩月悉屬  
夏分七月爲秋本月攝後兩月悉屬秋分十  
月爲冬本月攝後兩月悉屬冬分三三本攝  
也又云正月二月正是春時木於中王土寄  
三月攝屬春時四月五月正是夏時火於中  
王土寄六月攝屬夏時七月八月正是秋時  
金於中王土寄九月攝屬秋時十月十一月

正是冬時水於中王土寄臘月攝屬冬時土  
寄四季正時爲本各三月並攝於土故言三  
三本攝主攝於客客是土也依佛法言三三  
本攝者本時各三月既廢秋時以秋之三月  
各配入三時時則四月論本則三論攝則一  
故言三三本攝也問四時各有問六三月此是四  
三本攝何謂三三本攝答三爲一數以三而  
數故言三三爲本爾隨是時節消息者時如  
上說或四或三或二或攝等種種不同隨時  
以意消息斟酌去取若依佛法無秋時而言

秋時發病此云何釋從八月半已還隨俗名  
秋而夏時攝八月下半以去隨俗名秋冬時  
攝隨時消息者二法之間而斟酌也代謝增  
損者春動肝病此可治春動脾病此難治夏  
動心病此可治夏動肺病此難治夏末冬初  
於秋分中動肺病此可治若動肝病此難治  
冬動腎病此可治若動心病此則難治論四  
時增損大略如此問四時皆動病何故去秋  
計爲常爲樂爲破此著故去秋時佛爲弟子

保常心多故也二者爲開後安居立迦提月  
安居本名坐夏八月半內已還若是秋時便  
是坐秋爲此義故故廢秋時爾從有善醫師  
下一行半菴犯觸犯觸有六一多坐二多眠  
此二多致痰宜多行猗散之三多行四多猗  
五多語生風病宜多眠治之六多淫生一切  
病即等分病也若火少痰多若火多即熱壯  
事若等無病飲食得病者亦有六一過量食  
二少食不足而止三過飢食四逆時食未飢

強與也五妨食如食肉飲生乳使人癩六不曾食而強食如南人飲漿北人飲蜜若菜和蜜令不結男豬膏煎白鷺肉令人癩若患熱而飲酒食小麥生牛肉令人失明吐血痢血若病痰而食甜肥鹹酸令人唆鼻多汁又癓痢也六大者是六腑大腸小腸膽胃三焦兩膀胱也從多風病者下二行答病起時節四月五月是風生時六月七月是風起時八月九月是風減時六月七月是熱生時八月九月是熱起時十月至正月是熱減時八月九

月等分生時十月十一月是等分起時十二月正月是等分減時十月至正月是痰生時二月三月是痰起時四月至七月是痰減時痰是水病肺也夏日動風者夏日毛孔開通外風得入內風動也熱病秋動者毛孔閉塞熱伏於內不得行故成病等分冬動者春時動水肺病不差至夏復動風風病不差至秋復動熱熱病不差至冬俱動一切病故也二月三月是痰起損肺肺病動也從有風病者下八行半答治病方文爲三初二行半未病

前以藥防次二行明正以藥治後四行病退  
以藥補風病夏服肥膩鹹酸熱食者夏月毛  
孔開通具以肥膩潤塞之令風不得入鹹酢  
性熱能消水令體堅實治於風虛熱食流汗  
量六  
引風令出又治虛冷風不得進冷甜是酥乳  
十三  
等能治熱也等分冬服甜酢等除風也肺病  
服肥膩塞毛孔令水不得入熱能焦水宣通  
故能治肺病也飽食發肺病食既多則腸胃  
盈滿故發肺也食消發熱者如食沃潤則熱  
病伏食消無潤熱病起也消已虛踈風氣入

體故發風也風踈補酥膩鹹除風甜除熱肺  
帶風水宜吐也此中消文出真諦三藏疏中  
從善女天下是第六知已偏治文爲二一病  
輕聞說即差二病重服藥方除云觀心者三  
毒等分是內病也數息不淨慈心因緣是法  
藥宜聞法藥得悟者信行人病差也作觀研  
心得悟者法行人病差也眼是春時舌是夏  
時鼻是秋時耳是冬時身是四季攝屬諸時  
妙好五欲增貪病麤惡五欲損貪病妙好五  
欲損瞋病麤惡五欲增瞋病平平五欲增癡

病違順五欲損癡病總三種五欲增覺觀病偏動三種五欲損覺觀病是爲增損之相也犯觸者違情犯瞋順情犯貪不違不順犯癡總三犯覺觀慢時即發瞋求須時即發貪僻解時即發癡放逸時即發覺觀慈心治瞋不

四六

淨治貪因緣治癡數息治覺觀

云十三

釋流品

文云一能流水二能與水與水者與安樂水也一世安樂二出世安樂世安樂者如象負水濟彼枯魚是也出世安樂者如發誓言於

未來世當施法食與菩提記是也流水者流除苦惱水也一果報苦惱二業因苦惱流除果報苦惱如治諸病人救彼渴魚是也流除業因苦惱者授三歸說十二因緣讚佛十號是也請父求方欲成流水之義從王借象欲成與水之義既有二能那單以流水題品文中既彰與水之義題品須安流水之名不煩於文二義雙顯出經者之巧爲若此也長者者如法華疏中十種長者義也子者持水之子故言子也此文是斷疑中第三結緣之近

由近由又二一弄引二正近由弄引又二一行恩布德二國人稱美並如文近由又三一明眷屬二見魚之緣三正救魚如文從未來之世當施法食下是第四正結緣又爲四一發誓願二思惟說法三正說法四魚改報生

他得樂是故得涅槃令他得悟是故成自在  
我如法求財是故得淨用四千報常樂我  
淨之恩也第五結會古今者昔佛疑魚數樹  
神定判十今神疑行淺記深佛爲說妙因  
緣今昔相關是故結會也

盟六

十四

釋捨身品

捨義甚多財位壽命獨以身當名耶此從正  
要得名受者須身餘則非要施者正捨身餘  
旁捨爾故言捨身品文爲四一問二答三衆  
得益四結成問者上聞大士治病救魚實爲  
也理者準涅槃文云施食令他得命表常令

曠濟小人小蟲得二世益時衆願聞亡身殯  
命感深契極之事行苦而果樂可得聞耶是  
故請問佛塔爲二一敍緣起二正明捨身緣  
起爲十一地塔涌二大衆生疑三佛起禮四  
樹神問禮五佛塔禮六命阿難取七阿難述  
骨狀八命示大衆九奉命取示十佛勸衆禮  
皆如文從過去有王下是正捨身文爲二一  
長行二偈頌長行爲四一明本眷屬二捨身  
方便三正捨身四捨後悲戀就本眷屬爲五  
一明本眷屬摩訶羅陀此翻大無罪文殊問

經云羅陀翻爲中摩訶波那羅或云此翻大  
度誅摩訶提婆此言大天摩訶薩埵此翻大  
心二游行三各述相四見產虎五各陳觀見  
從作是念言我今捨身時已到矣下是捨身  
方便方便爲二初述觀解二起誓願願行相  
扶適產七日者見虎子頭上有七點知已七  
盈六十五日出山海經也又云七日眼開又七日不食  
必死虎兒垂死知是七日或云鬼神示悟如  
樹神數魚正捨身爲二一捨身二感動天地  
捨身後眷屬愁苦先兩兄愁惱各說偈共向

捨所次父母愁苦偈九十三行爲三初二行

通明昔行次別頌長行三結會初如文我念宿命下別頌長行四行頌上本卷屬上有述相陳觀今不頌餘皆頌從時勝大士下二行頌上捨身方便不頌發誓從即上高山下頌上正捨身感動也從是時二兄下頌上捨身後眷屬愁苦從是時王子下頌上父母愁苦從佛告樹神下第三結會結會爲三一結會人二結會塔三結會誓願說是經時下大眾所益也樹神是名禮塔下第四是結問意

釋讚佛品

此品從能所得名能讚是三番菩薩所讚是一佛世尊能所合標故言讚佛品私謂三番菩薩是能讚一佛是所讚一佛是能讚三番是所讚三番是當佛一佛是現佛通而爲言皆是能讚皆是佛故言讚佛品次第者因前十七品故有今品何者序品敘大體如來遊於無量甚深法性窮源極邊壽量品極果冥深合廣能起大用懺品勸菩薩若欲修學當如懺品滅惡讚品生善空品導成四王至散

脂誓願流通說請者之功德正論至善集明說者之功德鬼神至流水說聽者之功德捨身明行者之功德如是等利益出現世者皆是如來大體大智大用金光明力既善始令終初中後竟故諸菩薩等以讚讚佛稱揚教及教主故言讚佛品此文爲二一經家敘陳釋六列讚衆從此至彼金寶蓋刹施三業供養投地是身同聲是口口身共暢意業也二正說偈合六十五行半文爲三一二十行諸菩薩說二十七行信相說三二十八行半樹神說

云私謂其文有四前三是能讚後一是所讚所讚又是能讚能讚又是一是所讚故文云佛從三昧起以微妙音而讚歎言善哉善哉樹神善女汝於今日快說是言豈非所讚讚能讚其文既明不須惑也又是印成三番菩薩讚教從序品已來快說如來果地大體大智大用菩薩修因也上文有佛禮舍利即果身禮因身也今文有佛讚大懺大讚能請能說能聽能行皆是快說也當知快說是果讚因菩薩也即果口讚因口其義尋然果意讚因意

任運例成也云問佛何處入定此云從三昧起答初將說經佛遊甚深法性今說將竟故從三昧起此經首尾皆在法性中說其文甚明若作入法性者法性自在四佛五佛同處各處共見異見四來四去一住一在隨人所觀皆無障礙也觀心者諸菩薩三業讚佛三業事可解三觀心者觀身不得身身空但有名字名字無量或捨身名檀乃至身空名智慧六度十度八萬塵沙法門名字即空說空不定空假非定假非空非有即顯中道三觀

宛然事理六法皆悉具足若無觀慧事亦不成例如三衣六物若解其意三六俱成若不解者非但無六三亦不成觀心亦爾若得理觀大觀六成若不得意既無理觀事觀亦不成無六亦無三此之謂也此大好甚廣云

金光明經文句卷第六

音釋

穀	下	華切	工	胡公切	襄汝兩切	力制切
考	寶也	虫	蟠	蠉也	土	癘疾疫也
魅	膾	枯	回	切	於宜切	者專於切束色
脣	膾	古	外	切	猗輕安也	豬與猪同味
切	吸	帶	竹	世切赤	月旁光膀步方切	胱古黃角
也	瘡	白	痢	也	月切膀胱水府也	